

明珠記

宮

內閣文庫	
番號	漢 17899
冊數	5 (1)
函號	附 4 16

書
附四
一七
八九
全九
五號
一六

附 4-16





無雙傳

唐王仙客者建中中朝臣劉震之甥也初仙客父亡與母同歸外氏震有女曰無雙小仙客數歲皆幼稚戲弄相狎震之妻常戲呼仙客爲王郎子如是者凡數歲而震奉孀姊及撫仙客尤至一旦王氏姊疾且重召震約曰我一子之念可知也恨不見婚宦無雙端麗聰慧我深念之異日無令歸他族我以仙客爲託爾誠許我瞑

重託

目無所恨也。震曰：姊宜安靜自顧養，無以他事自撓。其姊竟不痊。仙客護喪歸葬襄郡。服闋，思念身世，孤子如此，宜求婚娶，以廣後嗣。無雙長成矣。我舅氏豈以位尊官顯而廢舊約邪？於是飾裝抵京師。時震爲尚書租庸使，門館赫奕，冠蓋填塞。仙客旣覲，致于學舍，弟子爲伍。舅甥之分，依然如故。但宋然不聞選取之議。又於窗隙間窺見無雙，姿質明艷，若神仙中人。仙客發狂。

費在室裡

惟恐姻親之事不諧矣。遂鬻囊橐，得錢數百萬。舅氏舅母左右給使，達于廝養，皆厚遺之。又因復設酒饌，中門之內，皆得入之矣。諸表同處，悉敬事之。遇舅母生日，市新奇以獻。雕鏤屏玉，以爲首飾。舅母大喜。又旬日，仙客遣老嫗以求親之事，聞於舅母。舅母曰：是我所願也。理當議其事。又數夕，有青衣告仙客曰：娘子適以親情事言於阿郎。阿郎云：向前亦未許之。模樣云云。恐

家情不割與
靖難時尚問
喂猪者何以
異

是參差也。仙客聞之，心氣俱喪，達旦不寐，恐舅氏之見棄也。然奉事不敢懈怠，一日震趨朝，至日初出，忽然走馬入宅，汗流氣促，惟言鎖却大門，鎖却大門，一家惶駭，不測其由。良久，乃言涇原兵士反，姚令言領兵入含元殿，天子出苑北門，百官奔赴行在，我以妻女爲念，畧歸部署，疾召仙客與我勾當家事。我嫁與爾無雙，仙客聞命，驚喜拜謝，乃裝金銀羅錦二十馱，謂仙客曰：

汝易衣服，押領此物，出開遠門，覓一深隙店安下。我與汝舅母及無雙出啟夏門，遶城續至，仙客依所教，至日落，城外店中待久不至，城門自午後扃鎖，南望目斷，遂乘驄秉燭，遶城至啟夏門，門亦鎖，守門者不一，持白楮或坐或立，仙客下馬，徐問曰：城中有何事如此？又問今日有何人出此門者？曰：朱太尉已作天子，午後有一人重戴，領婦人四五輩，欲出此門，街中人皆識云。

是租庸使劉尚書門司不敢放出。近夜追騎至。一時驅向北去也。仙客大聲慟哭。却歸店三更。向盡城門忽開。見火炬如晝。兵士皆持兵挺刃。傳呼斬斫。使出城搜城外朝官。仙客捨輜騎驚走歸襄陽村居。三年後知克復京闕。重經海內無事。乃入京訪舅氏消息。至新昌南街立馬。彷徨之際。忽有一人馬前拜。熟視之。乃舊使蒼頭塞鴻也。鴻本王家生。其舅常使得力。遂留之。握

不忘主恩

手垂涕。仙客謂鴻曰。阿舅阿母安。不鴻云。並在興化宅。仙客喜極。云。我便過街去。鴻云。某已得從良。客戶有一小宅子。販繒爲業。今日已夜。郎君且就客戶一宿。來早同去。未晚。遂引至所居。飲饌甚備。至昏黑。乃聞報曰。尚書授僞命官。與夫人皆處極刑。無雙已入掖庭矣。仙客哀寃號絕。感動鄰里。謂鴻曰。四海至廣。舉目無親戚。未知托身之所。又問曰。舊家人誰在。鴻曰。惟無雙

所使婢採蘋者。今在金吾將軍王遂中宅。仙客曰。無雙固無見期。得見採蘋。死亦足矣。由是乃刺謁以從。任禮見遂中。具道本末。願納厚價以贖採蘋。遂中深見相知。感其事而許之。仙客稅屋與鴻蘋居。塞鴻每言。郎君年漸長。合求官職。悒悒不樂。何以遣時。仙客感其言。以情懇告。遂中遂薦見仙客於京兆尹李齊運。齊運以仙客前銜爲富平縣尹。知長樂驛。累月忽報有中

使押領內家三十人往園陵以備洒掃。宿長樂驛。羶車子十乘下訖。仙客謂塞鴻曰。我聞宮嬪選在掖庭。多是衣冠子女。我恐無雙在焉。汝爲我一窺可乎。鴻曰。宮嬪數千。豈便及無雙。仙客曰。汝但去。人事亦未可定。因令塞鴻爲假驛吏。烹茗于簾外。仍給錢三千。約曰。堅守茗具。毋暫捨去。忽有所睹。卽疾報來。塞鴻唯唯而去。宮人悉在簾下。不可得見之。但夜語誼譁而已。至夜

兩邊俱有頭
情處

深羣動皆息塞鴻滌器篝火不敢輒寐忽聞簾
下語曰塞鴻塞鴻汝爭得知我在此也郎健否
言訖嗚咽塞鴻曰郎君見知此驛今日疑娘子
在此令塞鴻問候又曰我不久語明日我去後
汝於東北舍閣子中紫褥下取書送郎君言訖
便去忽聞簾下極鬧云內家中惡中使索湯藥
甚急乃無雙也塞鴻疾告仙客仙客驚曰我何
得一見塞鴻曰今方修渭橋郎君可假作理橋

妙筭

官車子過橋時近車子立無雙若認得必開簾
子當得瞥見耳仙客如其言至第三車子果開
簾子見真無雙也仙客悲感怨慕不勝其情乃
塞鴻於閣子中褥下得書送仙客花牋五幅皆
無雙真蹟詞理哀切叙述周盡仙客覽之茹恨
涕下自此永訣矣其書後云常見敕使說富平
縣古押衙人間有心人今能求之否仙客遂申
府請解驛務歸本官遂尋訪古押衙閒居于村

有心人難知
有心人尤難
得

先窺着了

聖仙客造謁見古生。生所願必力致之。繪綵瑤
玉之贈不可勝紀。一年未啟口。秩滿閒居于縣。
古生忽來謂仙客曰。洪一武夫年且老。何所用。
郎君於某竭分察郎君之意。將有求於老夫老。
夫乃一片有心人也。感郎君之深恩。願粉身以
荅効。仙客泣拜以實告古生。古生仰天以手拍
腦數四曰。此事大不易。然與郎君試求不可朝
夕便望。仙客拜曰。但生前得見。豈敢以遲晚爲

只得耐心守

恨邪。半歲無消息。一日扣門。乃古生送書。書云。
茅山使者迴且來此。仙客奔馬見古生。生乃無
一言。又啟使者復云。殺却也。且吃茶。夜深謂仙
客曰。宅中有女家人識無雙否。仙客以採蘋對。
仙客立取而至。古生端相且笑且喜。云借留三
五日。郎君且歸。後累日忽傳語。說曰。有高品過
處。置園陵宮人。仙客心甚異之。令塞鴻探所殺
者。乃無雙也。仙客號哭。乃歎曰。本望古生。今死

矣爲之柰何流涕歔歔不能自已是夕更深聞叩門甚急及開門乃古生也領一篋子入謂仙客曰此無雙也今死矣心頭微煖後日當活微濯湯藥切須靜密言訖仙客抱入閣子中獨守之至明遍體有煖氣見仙客哭一聲遂絕救療至夜方愈古生又曰暫借塞鴻於生後掘一坑坑稍深拍刀斷塞鴻頭于坑中仙客驚怕古生曰郎君莫怕今日報郎君恩足矣此曰茅山道

士有藥術其藥服之者立死三日却活某使人專求得一丸昨令採蘋假作中使以無雙逆黨賜此藥令自盡至陵下托以親故百緜贖其尸凡道路郵傳皆厚賂矣必免漏洩茅山使者及舁篋人在野外處置訖老夫爲郎君亦自刎郎君不得更居此門外有擔子一十人馬五匹絹三百匹五更挈無雙便發變姓名浪跡以避禍言訖舉刃仙客救之頭已落矣遂并尸蓋覆訖

古生真荆聶
之流後世自

矜為俠客者
未許夢見

未明發。歷西蜀下峽。寓居于渚宮。悄不聞京兆
之耗。乃挈家歸襄郡別業。與無雙偕老矣。男女
成羣。噫。人生之契濶。會合多矣。罕有若此之奇。
常謂古今所無。無雙遭亂世。籍沒而仙客之志。
死而不奪。卒遇古生之奇法。取之。寃死者十餘
人。艱難走竄。其後歸故鄉。為夫婦五十年。何其
異哉。

由房



明珠記圖

送愁




閨嘆



趕駕



驚破



覓蘋



宮怨



煎茶



郵迎



訪俠



會橋



珠贖



偽勅




珠雙



聞赦



相逢



明珠記目錄

第一齣

統領

第二齣

赴京

第三齣

酬節

第四齣

探親

第五齣

奸謀

第六齣

由房

第七齣

却婚

明珠記目錄

第八齣

閨嘆

第九齣

拒奸

第十齣

送愁

第十一齣

激亂

第十二齣

驚破

第十三齣

趕駕

第十四齣

閉關

第十五齣

鴻逸

第十六齣

整軍

第十七齣

抄沒

第十八齣

遇鴻

第十九齣

宮怨

第二十齣

覓蘋

第二十一齣

別母

第二十二齣

獲蔭

第二十三齣

巡陵

第二十四齣	郵迎
第二十五齣	煎茶
第二十六齣	會橋
第二十七齣	拆書
第二十八齣	訪俠
第二十九齣	訴屈
第三十齣	慶俠
第三十一齣	吐情

第三十二齣	買藥
第三十三齣	設策
第三十四齣	偽勅
第三十五齣	飲藥
第三十六齣	珠贖
第三十七齣	授計
第三十八齣	聞赦
第三十九齣	藥醒

第四十 齣

會內

第四十一 齣

珠雙

第四十二 齣

相逢

第四十三 齣

賫詔

明珠記卷一

第一齣 統領

末上

聖無憂人世歡娛少眼前光景流星青春不樂
空頭白老大損風情么喜遇心閒意美更逢日
麗花明主人情重須沉醉莫放酒盃停

南歌子 清新樂府唱堪聽 遏雲行鳳鸞鳴 宮怨
閨愁就裏訴分明 掩過西廂花月色 又撥斷琵琶
聲么佳人才子古難并 苦離分巧完成 離合

悲歡只在眼前生。四座知音須拱聽。歌正好。酒頻傾。

望海潮 王郎奇俊。無雙嬌媚。相逢未遂婚盟。涇卒揮戈。尚書羈縶。多才脫走襄城。賊滅早還京。恨奸謀屈陷。幾處伶俜。偶逢族叔。求官贈妾。結深情。么驛中錦字叮嚀。向渭橋瞥見。淚雨交傾。烈士相憐。靈丹暗買。採蘋扮作男形。假詔到園陵。把佳人醜死。贖出重生。分珠再合。一家完聚。

受恩榮 云云下

劉尚書遇亂遭奸計。古押衙假作偷花使。無雙女死後得重生。王仙客兩贈明珠記。

第二齣 赴京

生扮王仙客上

破齊陣引 清白先人家法。金貂累代傳榮。雅志超羣。詩名滿世。爭奈高才未騁。孤身自浪浮雲。跡四海誰懷國士情。咳長歌上帝京。

減字木蘭花 風雲未偶。心懸日月空回首。騏

驥埋塵得志駑駘也笑人椿萱零落空悲風
木應難作鸞鳳無依揀盡寒枝不肯棲小生
累代遺芳一經傳業擅六書之精當得羲獻
北面掇三史之秀可與遷固比肩五車讀就
敢誇萬卷在心宵八韻賦成却笑十年耽筆
硯未受九重明詔空懷四海蒼生不讓他吳
門二俊擅文名肯學那竹林七賢甘醉飲王
仙客本貫襄陽鄧州人氏先朝諫議大夫王

公之子當朝戶部尚書劉震之甥不幸早年
喪父賴母舅迎養老母看覷成人舅舅有一
女名曰無雙年紀小俺三歲自幼兒同學相
戲舅母喜歡常時對小生說待你長成把無
雙與你爲妻母親臨死之時要求婚配是母
舅親口許下只因小生扶柩歸鄉不曾成禮
卽今三年服滿明年是建中皇帝大比之年
小生待上京師應試順便到劉家求親昨日

分付安童塞鴻收拾行李未知完備麼塞鴻
那里未扮塞鴻上

西江月門戶年來冷落郎君日下崢嶸蕭然琴
劍照人清笑指長安馳騁生遊子偏懷故國僕
夫反樂長征合莫辭辛苦上瑤京會看風雲一
逞

生塞鴻行李完備了麼未覆官人錦囊盛七
弦焦尾瑤鞞挂三尺龍泉馬似雲飛車如電

轉俱已擺列門外天道暄熱請官人早行生
正是暫辭舊國遊京國便出襄陽訪涓陽生

朝元令風回楚城五月黃梅景烟浮帝京千里
紅塵承自挈圖書遠辭鄉井未官人此去先到
劉相公府中生重念涓陽恩幸欲叙平生南
風細吹雙轂輕裊裊柳條青依依遊子情合迢
迢華省空凝望楚天雲冷未

前腔才子名高鄢郢風流蓋世情文采照三京

芳韻襲人

馮征遠之狀
如在目前

試問時流有誰堪並生功名之事未知如何末
莫向蓬蒿延頸有日飛騰搏風兩翅九萬程重
振舊家聲依然故里榮合前生

前腔斜日柘林風靜征人汗滿纓田父正躬耕
對此艱難迷心重醒末當此炎天公子王孫多

少會受用怎知征人辛苦生何處涼亭醅酹
散髮層冰人生總為名利縈瀟灑羨嚴陵滄江

弄釣罾合前末

淡中繪景如
鮮花著雨

前腔縹緲紅雲墜影荆山暑氣清斜日槿花明
舉日黃沙悶人時景生那山頭上是猿啼麼末
何處猿啼深嶺腸斷三聲回頭故鄉初一程緩
轡話離情淒淒芳草生合前

生下馬停車日已斜末故鄉回首碧雲遮

合離愁最是關心處風葉蕭蕭噪暝鴉

第三齣酬節外扮劉尚書上

念奴嬌罷朝初下未央宮候吏朱衣前擁滿袖

按候徵歌句
向景中情至
語轉摺處更
見作者苦心

臺閣氣象自
是莊嚴富貴

天○香○歸○甲○第○夾○道○綠○槐○陰○重○日○上○鰈○須○風○裊○龍○
涎○別○院○笙○歌○哄○大○平○歡○宴○仰○荷○一○人○恩○寵○

踏沙行 紫閣垂勳黃金橫帶人生富貴誰堪
比八方無事且爲歡一年好景君須記美酒
繁弦海榴池蒞芭蕉葉展青鸞尾金盃角黍
送流年伴他兒女花前醉自家學貫天人資
兼文武敢竭孤忠報主惟將正色立朝官階
已占六曹中名位早登三事列運北斗之樞

機統尊列宿作九天之喉舌職亞三公忠不
忘乎一飯誰言錦幙幔天貨必足於四方要
使青錢流地正是關節一毫無地入公廉兩
字只天知下官劉震官拜戶部尚書租庸使
夫人崔氏小女無雙老年無子痛太玄之失
傳弱息知書幸中郎之有託且喜今日是五
月端午早上分付院子安排筵席與夫人小
姐同賞佳節不知完備未曾院子那里末廳

描寫端陽景
語亦不泛

上一呼階下百喏。覆相公有何鈞旨。**外**我着
你安排筵席。在後花園水亭上。完備了麼。**末**
覆相公。完備已多時了。**外**怎見得。**末**但見池
館清幽。風光澹蕩。器列象州之古玩。簾開合
浦之明珠。水晶盤。羊角粽。輕開錦束玉生輝。
琥珀酒。琉璃鍾。未解黃封香滿座。石洞假山。
清泉細細。碧梧蒼竹。踈影離離。走動的是朱
衣堂吏。人人頭帶赤靈符。吹彈的是紅粉佳

人。箇箇手擎長命縷。金雀斜簪墮馬髻。畫船
齊唱採菱歌。端的好筵席。**外**既然完備。請夫
人小姐出來。**末**遙傳黃閣命。去請畫堂仙。**下**

夫扮夫人上

花心動。年老心閒對日長。只把貝經翻誦。**旦**扮

無雙上。睡足花臺。浴罷蘭湯。金蓮步出房櫳。

貼扮採蘋上。喜逢佳節風光好。正滿園梧竹

陰濃。**合**向水亭瓜果。玉盃傳送。相見科

下語有致

曲俱切景不
雜一字作家

菩薩蠻外綠楊裊裊垂絲碧海榴點點燕脂
赤夫兩兩亂鶯啼瑤瑤梧竹齊旦微微風動
慢惻惻涼侵扇合處處遇端陽家家共舉觴
夫相公喚俺母子出來有何事幹外夫人當
此太平之日下官備一盃淡酒與你同賞佳
節旦採蘋將酒過來合萬兩黃金未為貴一
家安樂值錢多外拈酌酒上

畫眉序金卮泛蒲綠撫景停卮感心曲歎千年

作家

湘水此日沈玉名未泯角黍空傳人去遠招魂
誰續合大家酩酊酬佳節莫負太平風俗夫
前腔新篁展修綠玳瑁筵開盡欄曲看座排冰
島笛傳蓮玉見滿眼虎艾爭鮮正西苑龍舟相

續合前旦

前腔修眉遠山綠粉汗流香浸眉曲自持觴勸
酒皓腕露玉願白頭長享天年結綵線不須人
續合前貼

百轉黃鶯

采色絢然

家宴慶轉到
國事上去是
忠臣肺腸亦
是大心变换

前腔輕盈舞裙綠獨抱琵琶度新曲漸髻偏金
鳳釵橫紫玉掠紈扇乳燕飛來亂急管新蟬相
續合前外

滴溜子你道是你道是侯門風味不俗又誰知
又誰知問問幾多不足日宴未炊餠粥可惜尊
前白苧歌總是蒼生哭但願君心化作光明蠟
燭夫

鮑老催繁華輦轂人人齊唱昇平曲家家都泛

菖蒲粟休眉皺且放懷消清福人生百歲歡不
足休把愁心惱弦管頻開笑口傾醞醖旦

滴滴金上林筍膾甘如肉南海冰鱗氣猶馥玉
槃犀筋寒生指畫堂中新酒熟玊羞溢目嬌歌
艷舞相催促相催促休教日近青山麓貼

鮑老催香風亂撲顛狂粉拍穿金粟高低玉剪
飛華屋把瑇筵近鳴泉臨喬木生綃扇兒休揮
觸清風自有涼亭竹風來也鬢簌簌合

結句有味便
覺多少波瀾

暮情寫景曲
曲逼真

宛似離鄉情
緒淒楚不堪
多讀

逼真旅底光
景

雙聲子 弄潮罷。弄潮罷。何處蘭舟逐。採菱歸。採菱歸。兩岸芙蓉綠。日已暮。日已暮。歡未足。歡未足。看月明。扶醉夜涼新浴。尾。酒剩花殘。下金谷。月白風清。歸去促。可惜明朝。又初六。

外 侯家庭院好風光

夫 骨肉傳盃笑滿堂

日 但願太平常會面

合 年年此日賞端陽

第四齣

探親

生上

玉漏遲。辭家浪遊。歎山勞匹馬。水怯孤舟。紅槿香中。一聲越鳥。添愁回首。故園池館。清風滿。沒人消受。公名成否。先自將人。憔悴末上。前腔。風塵奔走。歎肩挑棊劍。汗透征裘。綠柳陰中。小姬喚客。鑪頭正值。馬疲人倦。無由得解。鞍沾酒。生 婚成否。先覺春心暗透。

生 迤邐行來。不覺早到京師也。末 官人。你看京師好景致。生 怎見得。末 只見六街車馬。三

當年長安象

市人烟。慈恩寺金刹參天。灞陵橋垂楊拂地。
花簇簇三百六十行買賣。錦重重十萬八千
戶人家。朱樓綉檻。有十里香風。水閣涼亭。沒
半星暑氣。酒肆中賣的是蓮花白。竹葉清。都
解金龜同一醉。勾欄內坐的是李端端。蘇小
小。笑歌新曲解留人。金章紫綬。達官貴戚去
朝天。白狗蒼鷹。公子王孫來打獵。入柱巍峩
標玉闕。五雲繚繞擁王居。果然好景致。**生**此

去劉家多少路。**末**兀那里是劉相公府前也。

生

賺千里襄流。冒暑携書上帝州。龍城暮。遙看宮
闕紅霞覆。且淹留。訪恩盟。重叙當年舊。**末**暫向
垂楊繫紫騮。拂拭征衣垢。朱門十丈。蟠雙獸。**合**
試將輕扣。**夫**上

前腔相府深幽。何處兒郎敢逕投。分明看。原來
年少吾家秀。**生**拜夫。慰離憂。比別時精采。渾如

舊生三載南中望斗牛。遙想恩光厚。合弛裝共話。違離久。乍消清晝。

夫孩兒三年不見。這般長成了。此來爲求科舉麼。生小生有兩件事。一者爲取功名。二者不敢說。夫但說不妨。末官人要求小姐的親事。夫笑原來如此。這事是老身說起。又是你母親遺命。都在我身上。好歹教你成就。生全靠舅娘攬掇。夫舅舅早回來也。外上

有醞籍

激昂語得體

絳都春序官高祿厚。見豺狼當道。怎生罷休。猛判扣碎金階首。從教洗淨朝班垢。怎容他奸謀成就。夫親情邂逅。請寬懷抱。放下閒愁。相見科

生拜科

前腔遠來相候。合歡欣。怎生反皺眉頭。末想東人衣冠禮貌多踈漏。夫莫非老妾逢迎後。有緣由。望君明剖。外朝綱大事。區區兒女。何必追求。夫相公甥舅相逢。合當喜歡。怎生雙眉倒豎。

丈夫氣緊

怒氣冲天。**外**夫人賢甥遠來我豈不喜爭奈
丞相盧杞奸邪不忠人皆號爲藍面鬼下官
適來入朝再四奏他奸惡乞將梟首示衆聖
天子不從因此煩惱。**夫**相公你官非御史職
非諫議管這閒事怎的。**外**下官受朝廷厚恩
那一件不該說。**生**只一件盧杞這廝最能害
人只怕舅舅反遭毒手。**外**這箇我也顧不得
了。**末**甥舅相逢閒話且休題。**夫**正說得是請

孩兒到水閣上三盃洗塵。**外**左右將酒過來

外把盞唱

皂角兒念荆花早年失偶喜芝蘭這回重茂仔
細看舉止端詳分明似母親趨走惟願你向書
窓攻筆硯取科名揚姓字光輝伊舅。**合**親情別
久且同盃酒凉亭瓜果論心叙舊

前腔看孩提短髮覆首又長身聰明俊秀笑
臉出語溫恭意孜孜慇懃問候多謝你渡三襄

自誇

煞句收拾得
住有萬鈞之
力

涉萬里、冒炎蒸、衝瘴厲、遠來生受、合前生

前腔念孩兒孤貧落後、謝姪舅提携成就、恨十

年寂寞寒窓、知何日經綸展手、試看我萬言書

八韻賦、獻金門、朝玉殿、獨占鰲頭、合前末

前腔念小人囊中奔走、長只想長安花柳、喜今

日得遂初心、又感戴恩官意厚、惟願他受君恩

食天祿、利名成、婚姻遂、帶挈風流、合前

外孩兒科場未到、且在俺府中、攻習經史、何

如、生多謝舅舅、夫塞鴻收拾行李、入西書院

去來、末領鈞旨

外一旦悲歡見魏舒、夫風流猶是昔年餘

生科場敢負先人業、合客邸須看舅氏書

第五齣 奸謀 爭扮盧杞上

番卜筮名位廟堂尊、掌握乾坤運、鷓鴣奮翼逞

風雲不柰烏鳶晒

笑科自家不是別人、盧丞相的便是、幸然遭

刻畫盧杞奸
邪肺肝如觀

際聖明端的恩寵無二一味甜言直教天子
點頭半腔反意驚得百官心碎斷公事只逞
私心決民情全憑勢利拽扎起溫元帥面皮
猛放着閻羅王威勢不平不直的秤鈎肚腸
半青半紫的染皂心地不要長鎗大劍真箇
殺人手段高強生得利齒伶牙端的吃人腦
髓不恕諸王公見我低頭衆文武誰敢出氣
生前得逞雄豪死後猶然得意內云怎的得

地獄正為此
八設

意淨笑若不去三家村中做牛便罰去十八
層地獄受罪下官盧杞欽承聖恩官拜平章
政事百僚趨承恐後爭柰戶部尚書劉震這
厮索強前日彈我欺君誤國要將梟首示衆
好笑下官得何罪過受此極刑眉頭一蹙計
上心來我有故人各爲王遂中見做金吾衛
大將軍重許陞賞着他夤夜刺殺這厮有何
難哉左右那里末上堂上雙呼字階前應一

聲覆相公有何鈞旨。**淨**你去請金吾王將軍
過來。**末**諾。轉過金梁橋，來到修竹里。此處王
家府前了。王將軍有請。**丑**上。

上林春武勇從來四海聞，掌官軍九重親近。

相見科**淨**金吾請坐。**丑**恩相在上，下官怎敢

淨請坐。有話相告。左右的迴避。**末**天上人間

方便第一。**下****淨**金吾你起手是甚麼官。**丑**小

官金吾衛小校。**淨**如今是甚麼官。**丑**金吾衛

大將軍。**淨**怎的驟陞到此。**丑**賴恩相提拔。**淨**

你既知恩報恩，下官有一事託你一幹。**丑**伏

聽使令。**淨**尚書劉震平素和俺無讐，近日奏

過官家，要將下官梟首示衆，幸賴聖明不聽。

他說你道情理也不情理。**丑**端的無狀。**淨**俺

待奏聞朝廷，把他黜退，也不甚難，只是消不

得胷中一點不平之氣，欲使一人刺殺這廝。

滿朝看來，只有你膽勇，你敢去得麼。**丑**背云

此處先埋伏
古押衙妙甚

這殺人事非通小可。不去恐丞相見怪。罷罷。
丑云：下官雖然愚勇，只有汗馬上本事。這刺客手段，却做不得。下官有一故人，心如聶政，謀比荆軻，姓古名洪，見做羽林衛押衙之職。幼年曾爲父報仇殺人，又以奇計得免。若用此人，無有不成。淨：我也素聞古押衙之名，快去糾合他來。事成之日，賞賜千金，拜官三級。丑事不宜遲。下官明早就去。淨：金吾不要洩

漏天機 丑 下官怎敢 淨

瑣窓郎俺威權海內稱尊，怪不逞犯逆鱗。須當快意，斬草除根。此行機密，用心防慎。合：若得他一朝消盡，胷中恨，千金賞不須吝。丑

前腔：他平白地惹起災迤，赴猛火自燒身。報讐烈士都下名聞，此行唾手管教隨順。合：前

淨：堪嘆亡命徒。

丑：好似撲燈蛾。

合：恨小非君子。

無毒不丈夫。

寫情寫景都
有餘妍
不獨秀麗更
白切景堪與
會真並駕

第六齣

由房

旦扮無雙上

臨江山蟬吟蚊靜人初起朝霞掩映庭堦貼扮
採蘋上乘涼試捲絳綃衣合風前開翠榻窓
下綉花枝

集句旦綠樹陰濃夏日長貼珍珠簾箔掩蘭
堂合繡牀斜凭嬌無柰燒盡金鑪百合香日
採蘋連日暄熱不曾和你做生活今早天氣
微涼好做些針指貼姐姐奴把綉絨花樣牙

工緻不減初
唐

尺剪刀都擺在石卓兒上請姐姐坐地旦
賞宮花東方尚低微涼入絳幃梧月餘殘影花
露未全晞貼有意只盤金鳳線無心去聽乳鴉
啼

生上未遂東牀志先窺綺閣人小生為親事
而來爭柰舅舅全然不提起未知成敗若何
小姐又不能勾厮見好生納悶今日打聽得
小姐臥房在畫閣兒下只做不知一直撞入

去飽看一回多少是好生

師子序悄步香閣西行傍紗窗試一窺只見一

庭兒花木別是幽奇張科元來小姐和侍兒做

生活哩只見兩兩紅粧相對看他玉肌香雲

鬢薄春纖嫩笑拈針指低低偷眼隱隱蛾眉旦

降黃龍金剪輕携手把鮫綃巧裁新製金針下

處繡鴛鴦並戲蓮漪貼香閨重門深閉似嬌花

繡幙紅圍不許他狂蜂斜睨粉蝶輕窺生

筆端如畫

何等情思

前腔鍼兒引線休遲願效鴛鴦與伊戲水鮫綃

莫剪怕剪斷兩下牽絲痴迷他含情無意怎知

道人在窓西正是那花心未拆蜂蝶先知旦

前腔長吁汗透香肌日上庭梧頓添煩暑釵橫

鬢墜綉停鍼紈扇頻揮貼須知炎蒸堪畏荷亭

畔剩有涼颺只爲那閨門禮法懶去閒嬉生

前腔炎威炙損嬌姿怎如和我涼亭共戲醉荷

風碧簾相依你那一聲長嘆呵堪疑芳心何處

堪疑句妙

醉字有韻

莫不是想着佳期休長嘆佳期咫尺就結于飛

曰採蘋是誰在窓下

袞遍誰來繡戶窺忙啟紗窓覷貼却是王家哥

哥爲何到此奇俊王郎到此緣何事生在老

夫人處問安錯走了路到這里上堂咨啟花

底路迷問仙娥肯容人到月宮裡

曰採蘋你和他說這是我臥房外人不得至

此曰

路迷句好

不合說到此

前腔中堂多禁忌不許閒人至年少無知就裏

藏奸意貼這是小姐的臥房老夫人處問安不

打從這里去生小姐忒薄情也我是東床嬌

婿把做外人厮覷便畱住繡房中誰說你

曰快出去老夫人知道不好意思生小生也

要出去爭柰不認得路貼哥哥我送你出去

生不要送出去只要你送進去貼胡說老夫

人來也夫上生雙手擘開生死路一身跳出

是非門。下夫乘涼課兒女。病暑步池亭。老身這幾日天熱。不曾到女孩兒房中。今日須索去看他做生活。相見科。夫孩兒做甚麼。曰孩兒見天色微涼。與採蘋做些針指。夫好好我兒。你生於富貴。正要習些勞苦。他日好去人家做新婦。曰多謝母親教訓。夫日已將中。天道漸熱。暫歇一餉。隨我去來。夫莫倚富豪門。曰須知習苦辛。合成人不自在。自在不成人。

下生上無端。枝上黃鶯噪。驚散花心粉蝶飛。小生方纔大胆。走入小姐臥房。見他正與侍兒做生活。果然生得好。但見幽姿絕世。嬌艷驚人。渾如膩粉捏成。便是畫工難寫。滴溜溜鳳眼朦朧。勾引人魂無定。曲灣灣蛾眉澹掃。巧傳心事多般。輕盈笑靨。低頭微哂。有餘情。袅娜腰肢。叉手抱來。無一捻。津津檀口。生憎酷暑嬌吁。脉脉冰肌。可怪。清涼無汗。幾句嬌。

發揮無雙二
字直為傳神

嫩聲音。分明似金籠裏。學語雛鸚鵡。一點聰
明性格。合喚做綉榜上。風流女狀元。脚上鞋
兒三四寸。步步生蓮。髮邊釵子十二行。雙雙
舞鳳。恍疑金菊對芙蓉。却是笑倚侍兒肩。上
忽地梨花籠淡月。元來嬌臨玉鏡臺前。傍人
私語。細細口脂香。憑欄閒行。珊珊雜珮响。作
賦吟詩。人人盡說蔡文姬的再世。描鸞刺鳳
箇箇皆稱薛夜來的神鍼。石榴陰畔似葦宮

仙子。揚州兩兩玩瓊花。菡萏沼邊。如洛浦佳
人。水上盈盈步羅襪。只疑他麻姑有緣過蔡
經。偶然留鶴駕。莫不是雙成無煩惱。王母暫
謫下塵寰。可惜花朝月夕。何時同醉合歡盃。
恨無玉管鸞笙。與尔同乘雙鳳去。但望高堂
成事。與伊綉帶結同心。仔細思量。小生的稱
揚有盡。小姐的嬌媚無窮。若得與共枕半宵。
也不枉爲人一世。正待和他說些知心話兒。

那不做美的夫人撞將來好悶人也呵生

皂羅袍誤入桃源洞裏見香香深處裊裊仙姿
嬌羞終是女孩兒隔窓掩過香羅袂嚶嚶小語
問郎路迷低低微笑勸郎早歸莫不是人前巧
做出猜嫌計生

逸趣如雲際
飛禽態輕意
遠

前腔正好粘花惹絮怪東風無意吹散芳菲春
光一去杳無期陽臺望斷人千里歸來如醉餘
香滿衣支願坐想芳心暗飛恍聞耳畔嬌聲細

無限情思有
悠然之致

紗窓深處見卿卿
隱約香肌百媚生
好似淡雲籠月色
嫦娥態度不分明

